

15 MAI

**PARACLISUL
SF. CUVIOS
PIROS
DE LA
BRETA GEORGIEI**



PARACLISIERUL PE MAI-GG



სავედრებელი პარაკლისი ღირსისა მამისა ჩუენისა პიროს ბრეთელისა

მღდელმან: კურთხეულ არს-ი

და უკეთუ ერისკაცია იტყვს: ლოცვითა წმიდათა მამათა ჩუენტათა, უფალო იესუ ქრისტე, ღმერთო ჩუენო, შეგკწყალენ ჩუენ, ამინ.

დიდებაჲ შენდა, ღმერთო ჩუენო, დიდებაჲ შენდა.

მეუფეო ზეცათაო, ნუგეშინისმცემელო, სულო ჭემმარიტებისაო, რომელი ყოველგან ხარ და ყოველსავე აღავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგკწყალენ ჩუენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგკწყალენ ჩუენ; უფალო, გვკსენ და გვლხინე ცოდვათა ჩუენტაგან; მეუფეო, შეგკნდვენ უსჯულოებანი ჩუენნი; წმიდაო მოიხილედა განკურნენ უძლურებანი ჩუენნი სახელისა შენისათჳს.

უფალო, შეგკწყალენ. (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა,

ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიჰსნენ ჩუენ ბოროტისაგან.

მღდელმან: რამეთუ შენი არს სუფევად...

უფალო, შეგვწყალებ (12-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა, მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვით ქრისტესა, მეუფესა და ღმერთსა ჩუენსა.

უფალო, შეისმინე ლოცვისა ჩემისაჲ, ყურად-იღე ვედრებაჲ ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებაჲ ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოვკსენე დღეთა პირველთაჲ, და ვიწურთიდ ყოველთა მიმართ საქმეთა შენთა და ქმნულსა ჯელთა შენთასა ვზრახევდ. განვიპყრენ შენდამი ხელნი ჩემნი, და სული ჩემი, ვითარცა ქუეყანად ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღვმესა. მასმინე მე განთიად წყალობაჲ შენი, რამეთუ მე შენ გესავ; მაუწყე მე, უფალო, გზად, რომელსაცა ვიდოდნი, რამეთუ შენდამი აღვიღე სული ჩემი. მიჰსენ მე მტერთა

ჩემთაგან, უფალო, რამეთუ შენ შეგევედრე. მასწავე მე, რადთა ვყო
ნებად შენი, რამეთუ შენ ხარ ღმერთი ჩემი; სული შენი სახიერი
მიძლოდენ მე ქუეყანასა წრფელსა. სახელისა შენისათვის, უფალო,
მაცხოვნო მე და სიმართლითა შენითა გამოიყვანო ჭირისაგან სული
ჩემი. და წყალობითა შენითა მოსრნე მტერნი ჩემნი და წარსწყმიდნე
ყოველნი მაჭირვებელნი სულისა ჩემისანი, რამეთუ მე მონად შენი
ვარ.

**დიდებად მამასა და ძესა და წმიდასა სულსა, აწ და მარადის და
უკუნითი უკუნისამდე, ამინ.**

აღილუია, აღილუია, აღილუია, დიდებად შენდა ღმერთო.
აღილუია, აღილუია, აღილუია, დიდებად შენდა ღმერთო.
აღილუია, აღილუია, აღილუია, დიდებად შენდა ღმერთო ჩუენო,
დიდებად შენდა.

ღმერთი უფალი და გამოგვიჩნდა ჩვენ, კურთხეულ არს მომავალი
სახელითა უფლისადათა.

მუხლი .1. აუვარებდით უფალსა, რამეთუ კეთილ, რამეთუ
უკუნისამდე არს წყალობად მისი.

მუხლი .2. ყოველი თესლები გარე მომადგა მე, და სახელითა
უფლისადათა ვერეოდე მათ.

მუხლი .3. არა მოვკუდე, არამედ ვცხოვნდე, და განვსთქუნე მე
საქმენი უფლისანი.

მუხლი .4. ლოდი, რომელ შეურაცხყვეს მაშენებელთა, ესე იქმნა
თავ კიდეთა, უფლისა მიერ იყო ესე, და არს საკვზრველ წინაშე
თუალთა ჩუენტა.

ტროპარი

მოციქულებრივი სრბად აღასრულე, მო-რად-ხვედ ქუეყანასა ჩუენსა,
ღმრთეებრივო ხატო სინანულისაო და შემომკრებელო გარემო შენსა
მეძიებელთა საღმრთოდსა მადლისათაო, რომელმან ღუაწლითა

შენითა განაბრწყინვე ერი ქართველთად, ღირსო მამაო პიროს ბრეთელო, ევედრე ქრისტესა ღმერთსა შეწყალებად სულთა ჩუენთათჳს.

დიდება მამასა და ძესა და წმიდასა სულსა.

ტროპარი

იყავ რად ათორმეტთა მოწაფეთა შორის იოანე ზედაზნელისადთა, მისგან განისწავლე და განათლდი რად მადლითა საღმრთოდთა, მკვდრნი ქართლისანი განამტკიცე ღმრთისმსახურებასა შინა და მახლობლად ბრეთისა აღაშენე მონასტერი საცხოვნებლად სულთა და სადიდებად ღმრთისა, მას ევედრე აწ, ნეტარო პიროს, ჳსნად ჩუენდა ყოვლისაგან ურვისა და ზედა დასხმისაგან ხილულისა და უხილსავისა მტერისა.

აწ და მარადის და უკუნითი უკუნისამდე, ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გვფარევი ოხითა შენითა, ვინმცა დაგვცვნა ჩუენ აქამომდე ფლობილად; არასადა განგეშორნეთ ჩუენ, დედოფალო კურთხეულო, რამეთუ შენ იჳსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღჳოცე უსჯულოებად ჩემი. უფროდს განმზანე მე უსჯულოებისა ჩემისაგან და ცოდვათა ჩემთაგან განმწმიდე მე, რამეთუ უსჯულოებად ჩემი მე უწყი, და ცოდვად ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რადთა განმართლდე სიტყუათაგან შენთა და სძლო სჯასა შენსა, რამეთუ ესერა, უსჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჳემმარიტებად შეიყუარე, უჩინონი და დაფარულნი სიბრძნისა შენისანი გამომიცხადენ მე.

მასხურო მე უსუპითა და განვწმიდნე მე, განმბანო მე და უფროდს თოვლისა განვსპეტაკნე. მასმინო მე გალობაჲ და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უსჯულოებანი ჩემნი აღვოცენ. გული წმიდაჲ დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისაჲ და სულითა მთავრობისაჲთა დამამტკიცე მე. ვასწავლნე უსჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენაჲ ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხოვდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გთნდეს. მსხუერპლ ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღემენენ ზღუდენი იერუსალემისანი. მაშინ გთნდეს მსხუერპლი სიმართლისაჲ, შესაწირავი და ყოვლად-დასაწუელი, მაშინ შეიწირნენ საკურთხეველსა შენსა ზედა ზუარაკნი.

გალობაჲ 1, უგალობდითსა, ჳმაჲ 7

ძლისპირი: წამის ყოფითა, ღმერთო, ბუნებანი მდინარენი ზღუდედ აღამალენი და მათ შორის განიყვანე ერი ისრაელთაჲ ჳმელად, და გალობდა გალობასა ძლევისასა.

ღირსო მამაო პიროს, ევედრე ღმერთსა ჩუენთჳს.

ვიხარებთ ჳსენებასა შენსა და მადლობასა შევსწირავთ ქრისტესა, მეუფესა და ღმერთსა, რომელმან მოგავლინა მოლუაწედ და მლოცველად ერისა ჩუენისა და დიდებად და სიმტკიცედ ქართლისა.

ღირსო მამაო პიროს, ევედრე ღმერთსა ჩუენთჳს.

იყავ რად ნათესავით ასური, ისწრაფდი ანგელოსებრივისა მიმართ ღუაწლისა, და გამოსჩნდი სათნოდ სამებისა წმიდისა, მას ევედრე აწ, ღირსო, გჳკსნნეს ჩუენ უძღურებათაგან და ჭირთა.

დიდებაჲ მამასა და ძესა და წმიდასა სულსა.

ლოცვითა მოიპოვე რად მაცხოვრისაგან მაღლი სულისა წმიდისაჲ, ყოველთა ჳორციელთა შუებათა და გემოთა მათ გულისთქუმისათა შეურაცხის-ყოფდი მღვიძარებითა და მარხვითა.

აწ და მარადის და უკუნიითი უკუნისამდე, ამინ.

დაჳსნდა წყევად ევაძსი, პირველისა მის დედისაჲ, რაჟამს უსძლომან შვა უადრესი ბუნებათაჲ, ხოლო ერი მორწმუნეთაჲ, ვითარცა ღირს არს, სამართლად ადიდებენ.

გალობა 3, განძლიერდასა

ძლისპირი: ღმერთო, მაცხოვარო ჩუენო, ყოვლისა დამზადებელო, რომელმან სიტყვთ დაამყარენ ცანი მაღალნი, ყოვლით ძალით მათით და სულითა მით საღმრთოდთა დამამტკიცენ ჩუენ ერთობით კლდესა ზედა სარწმუნოებისასა.

ღირსო მამაო პიროს, ევედრე ღმერთსა ჩუენთჳს.

შეიმოსე რად სახე მონაზონებისაჲ, დაუტევე სოფელი წინამძღურობითა ღირსი იოანწსითა, და თანამოსაგრეთა თანა იღუწიდი სადიდებელად ღმრთისა, მას ევედრე აწ, სანატრელო, ჳსნად ჩუენდა ყოვლისაგან ცოდვისა და საცთურისა.

ღირსო მამაო პიროს, ევედრე ღმერთსა ჩუენთჳს.

ყოვლად ქებული მოძღუარი შენი და ბრწყინვალე მნათობი იოანე, სამარადისოდსა ლოცვითა განკაფავდა რაჲ სხეულსა, იქმოდა ღმრთისა მიერ მრავალთა ნიშთა და სასწაულთა, და კეთილად გმწყსიდათ მოწაფეთა თვსთა.

დიდებაჲ მამასა და ძესა და წმიდასა სულსა.

ევლტოდა რაჲ მამად იოანე საწუთოსა მას დიდებასა, უდაბნოდ განვიდა, და დაჯდა ქუაბსა მას შინა მოწაფეთა თანა, რომელთა შორის აღრაცხული მისგან განისწავლე და განათლდი მადლითა საღმრთოდთა.

აწ და მარადის და უკუნითი უკუნისამდე, ამინ.

მკსნელო ჩუენო, ვედრებითა მშობელისა შენისაჲთა მშვიდობაჲ სოფელსა მოჰმადლე, და ძლევად მოეც ერსა ჩუენსა ღმრთისმოყუარესა მტერთა ზედა უხილავთა და ხილულთა, და მორწმუნენი ღირს-მყვენ შენდობასა.

მიკსნენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოვვლტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლადქებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

***მღდელომან:** შეგჳწყალენ ჩუენ, ღმერთო, დიდითა წყალობითა შენითა, კაცთმოყუარე, გევედრებით, ისმინე და შეგჳწყალენ.*

***გუნდი:** უფალო, შეგჳწყალენ (3-გ ზის).*

მღდელომან: მერმეცა გევედრებით ღმრთივდაცულისა ერისა ჩუენისა და მეუფებისა მისისათვის (ქრისტესმოყუარისა მთავრობისა და მკედრობისა მისისათვს).

გუნდი: უფალო, შეგჳწყალენ (3-გ ზის).

მღდელომან: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთათბილისის მთავარეპისკოპოსისა, დიდისა მეუფისა, მამისა ჩუენისა (სახელი), და ყოვლადუსამღდელოესისა (აქა მოიხსენეთ ადგილობრივი მღდელოთმთავარი), და ყოველთა ქრისტეს მიერ ძმათა ჩუენტათვს.

გუნდი: უფალო, შეგჳწყალენ (3-გ ზის).

მღდელომან: მერმეცა ვევედრნეთ უფალსა ღმერთსა ჩუენსა, რადთა შეიწყალოს მონა ანუ მკევალი (აქა მოიხსენეთ სახელდებით ისინი, ვისთვისაც ევედრებით). განამრავლენ, უფალო, ჟამნი და წელნი ცხორებისა მათისანი და იკსენ იგინი, უფალო, ყოვლისაგან ჭირისა, რისხვისა და იწროებისა, და ყოვლისაგან წყლოულებისა სულისა და ჯორცთადასა და მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგჳწყალენ (3-გ ზის).

მღდელომან: მერმეცა გევედრებით ყოველთა მართმადიდებელთა ქრისტეანეთათვს.

გუნდი: უფალო, შეგჳწყალენ. (3-გ ზის).

მღდელომან: რამეთუ მოწყალე და კაცთმოყუარე ღმერთი ხარ, და შენდა დიდებასა აღვაკლებთ, მამისა, და ძისა, და წმიდისა სულისა, აწ და მარადის და უკუნითი უკუნისამდე.

გუნდი: ამინ.

წარდგომა

დღესასწაულობს ქართველთა ეკლესიამ ვსენებასა შენსა, პიროს სანატრელო, და იხარებს კრებული მორწმუნეთად, მომვსენებელი ღუაწლისა შენისა, ღირსო, და ითხოვს მეოხებასა შენმიერსა ღმრთისა მიმართ, რადთა განჰკურნოს ვნებათაგან შესუარული გულისთქმანი ჩუენნი, რომელნი განარისხებენ გონებასა ჩუენსა და დააცხროს ღელვანი ბოროტისა უღირსებისად, რადთა უკუნისამდე ვადიდებდეთ ძლიერებასა მისსა.

დიდება მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

დაღათუ ანდრია მოციქულმან იქადაგა სახარებად მისა შენისად ივერიას - წილხვედრსა შენსა, კუალად მოავლინე ქალწული ნინო ვსნისათვს ერისა ჩუენისა, და შემდგომად ასირიითგან წარმოგზავნე რად ათსამმეტნი მამანი განსავრცობად ქრისტეს სარწმუნოებისა, მათ მიერ დაამყარე ქართლოსიანნი კლდესა ზედა სარწმუნოებისასა, მშობელო სიტყვსაო, და მიერითგან არღარა ოდეს მიდრეკილ არს ქუეყანად ესე ჩუენი წმიდისა და მართლისა სარწმუნოებისაგან, და არცა-ღა მივდრკეთ უკუნისამდე მადლითა-ვე წმიდისა სამებისადთა და მეოხებითა შენითა, ყოვლად უბიწოო დედოფალო, სასოო და მფარველო ჩუენო, აწ ვედრებად ნუ დასცხრები ქრისტეს ღმრთისა მიმართ ჩუენ მოსავთა შენთათვს.

გალობად 4, უფალო მესმასა

ძლისპირი: ქრისტე ღმერთო, რომელმან არა დაუტევენ წიაღნი იგი მამულნი ზეცას და გარდამოჰკვედ ქუეყანად, სმენად შენი მესმა მე და ქებით ვადიდებ ძალსა შენსა.

ღირსო მამაო პიროს, ევედრე ღმერთსა ჩუენთვს.

გხედვიდა ნეტარი იოანე სულითა უძლეველსა, მიიწიე რად საზომსა დიდსა, და სქემითა ანგელოზებრითა შეგმოსა და გაკურთხა იწროსა მას გზასა ზედა მონაზონებისასა სრბად წმიდითა ჯუარითა თვისითა.

ღირსო მამაო პიროს, ევედრე ღმერთსა ჩუენთჳს.

განჳდა რად მოლუაწებად თქუენი ანტიოქიასა და ყოველსა შუამდინარეთსა, უცხოებად წარსლვად განიზრახა მოძღუარმან შენმან, და გევედრებოდათ მოწაფეთა თჳსთა, რადთა ილუწიდეთ თქუენ და ილოცვიდეთ მასვე უდაბნოსა.

დიდებად მამასა და ძესა და წმიდასა სულსა.

არა განუტევეთ მარტოჲ იოანე, ესრეთ შეკრულ იყვენით რად სიყუარულითა სულიერითა, და ზეგარდამოდთა წოდებითა წარმოემართნეთ ივერიას, განვრცობილ იყო რად მუნ კერპთაყვანისცემაჲ სპარსთა მძლავრებითა.

აწ და მარადის და უკუენითი უკუენისამდე, ამინ.

ჭემმარიტო ღმრთისა დედაო, ევედრე შენ, ძესა შენსა დამბადებელსა, რადთა მიმიძლუეს ჩუენ ნავთსადგურად მყუდროდ და განმარინნეს დანთქმისაგან ცოდვათა ჩუენთასა.

გალობა 5, ღამითგანსა

ძლისპირი: სული მაცხოვარებისად, უფალო, რომელ-იგი მიუდგა გულსა შინა პირველთა წინადსწარმეტყუელთასა და იშვა ქუეყანასა, მან მაუწყა ჩუენ მოსლვად შენი ქუეყანად მორწმუნეთა ცხორებად, და აწ განათლებულნი გალობით გადიდებდით.

ღირსო მამაო პიროს, ევედრე ღმერთსა ჩუენთჳს.

სხუთა მათ მოწაფეთა თანა მოგზაურ ექმენ რად იოანეს - მოძღუარსა შენსა, დაბეკულითა მოსილნი, უხამლონი, კუნკულითა, მშვდობითა მოიწივნეთ მცხეთად და მადლობასა აღუვლენდით ღმერთსა. მას ევედრეთ, რადთა წარმართოს ცხორებაჲ ჩუენი ნებისაებრ თვისსა.

ღირსო მამაო პიროს, ევედრე ღმერთსა ჩუენთჳს.

აჰა, წინა მოგეგებნათ თქუენ ევლავიოს - კათალიკოსი ქართლისაჲ, უწყებული სულითა, და ზოგად მის თანა მოიღეთ რად ენანი ცეცხლისანი, თაყუანის-ეცით სუეტსა მას ცხოველსა და აღიდებდით ღმერთსა. მას ევედრენით, წმიდანო ათსამმეტნო მამანო, რადთა მოგვცეს თქუენებრი გულისწმისყოფაჲ კეთილისაჲ და ბოროტისაჲ.

დიდებაჲ მამასა და ძესა და წმიდასა სულსა.

ცრემლთა ითხოვდით რად მყუდროსა სამკვდრებელსა ღმრთისაგან, უჩუენა იოანეს მთაჲ ჩრდილოეთით კერძო მცხეთისა და ჯუარისა მის პატიოსნისა, და მუნ დაეყუდნეთ, ვითარცა სათნო-იყო სულმან წმიდამან.

აწ და მარადის და უკუნიითი უკუნისამდე, ამინ.

ცანი და ქუეყანაჲ განათლდეს შენ მიერ, უქორწინებელო დედაო იესუდსო, რამეთუ გამოგზბრწყინვე შენ ნათელი დაუმრეტელი, ღმერთი ყოველთაჲ, რომელმან ბნელსა შინა შეყენებულნი მიჰსნნა და ზეცისა სასუფეველისა მკვდრად გჴჩინნა.

გალობა 6, ღაღადყავსა

ძლისპირი: დანთქმული ღელვათა სოფლისა ამის განსაცდელთა ნავითა ცოდვისაჲთა შთავრდომილი და მიგდებული მჴეცსა სულთა

მომსრველსა, გილადადებ: ვითარცა იონა განჯრწნისაგან და სიკუდილისა მიჯსენ, ქრისტე.

ღირსო მამაო პიროს, ევედრე ღმერთსა ჩუენთს.

აღირჩია რად მარტოდ მყოფობად ნეტარმან იოანე, ქუაბსა შინა დაემკვდრა, და თანა აქუნდა რად წმიდანი ნაწილნი მარტვილთანი, მოგანიჭათ მოწაფეთა თვსთა, რადთა იცვებოდეთ მათითა მადლითა და განამტკიცებდეთ მაზდეანთა მიერ ცთუნებულთა.

ღირსო მამაო პიროს, ევედრე ღმერთსა ჩუენთს.

განეშორნეთ რად ურთიერთას წმიდანი ეგე ათსამმეტნი, რომელნიმე დაემკვდრნეს გარემო სამეუფოდასა მის ქალაქისასა, და რომლენიმე მათათა, ქუაბთა და ხურელთა ქვეყანისათა, ხოლო შენ წარივლინე ქართლსა და უშიშად განჰვენდი სიტყუასა ღმრთისასა.

დიდება მამასა და ძესა და წმიდასა სულსა.

დამკვდრდი რად მახლობელად ბრეთისა სოფლისა, წმიდაო პიროს, დააფუძნე მონასტერი და აღაშენე მუნ ტაძარი სახელსა ზედა ყოვლადწმიდისა ღმრთისმშობლისასა, ჰგიეს რად აქამომდე სადიდებელად უფლისა, და წოდებულ არს სახელსა ზედა შენსა.

აწ და მარადის და უკუნითი უკუნისამდე, ამინ.

წინადაწარ მოასწავა საიდუმლოდ შენი, ქალწულო, პირველ კიდობანმან სჯულისამან, შემწყნარებელმან საღმრთოთა წერილთამან, და ტაკუკმან ოქროდსამან, სამკვდრებელმან მანანადასამან და კუერთხმან.

მიჯსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოვვლტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლადქებულო ღმრთისმშობელო, და ჯორცთა ჩუენტა წყლულებანი ბოროტნი განჰკურნენ და სულისა ჩუენისა სნეულებანი.

მღდელომან: მერმე და მერმე მშჯდობით უფლისა მიმართ ვილოცოთ.

გუნდი: უფალო, შეგჳწყალენ.

მღდელომან: შეგუეწიენ, გუაცხოვნენ, შეგჳწყალენ და დაგუცვენ ჩუენ, ღმერთო, შენითა მადლითა.

გუნდი: უფალო, შეგჳწყალენ.

მღდელომან: ყოვლადწმიდისა, უბრწნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომჰსენებელთა, თავნი თჳსნი და ურთიერთარს, და ყოველი ცხოვრებაჲ ჩუენი ქრისტესა ღმერთსა ჩუენსა შევვედროთ.

გუნდი: შენ, უფალო.

მღდელომან: რამეთუ შენ ხარ მეუფჳ მშჯდობისაჲ, და მაცხოვარი სულთა ჩუენტა, და შენდა დიდებასა აღუავლენთ მამისა, და ძისა, და წმიდისა სულისა, აწ და მარადის, და უკუნითი უკუნისამდე, ამინ.

გუნდი: ამინ.

კონდაკი

მართლმადიდებლობისა მოძღურებანი დანერგენ და სარწმუნოებასა შინა განაძლიერე რაჲ ერი ქართველთაჲ, ლამჰარი შენი განაბრწყინვე ანგელოზებრივი ცხოვრებითა, მსგავსად სიძისა მის ქალწულთა მოძღლოდინეთა, და აწ იხარებს ეკლესიაჲ ჳსენებისა

შენისათვის, რამეთუ მარადის ევედრები ღმერთსა შეწყალებად სულთა ჩვენთათვის.

იკოსი

იქადის აწ შუამდინარეთი აღმოცენებისათვის შენისა, და იხარებს მხარჯ ქართლისად, განანათლე რად მკვდრნი მისნი საღმრთოდთა სწავლითა, ხოლო წმიდად ეკლესიად ჩუენი იშვებს შვილთა თვსთა თანა, აღასრულებს რად ვსენებასა შენსა და ქებით ადიდებს ქრისტესა ღმერთსა, რომელმანცა მოგუმადლა ჩუენ წმიდანი ათსამმეტნი ასურელნი მამანი, რომელთა შორის ჰგიებ შენცა, ნეტარო პიროს, და მეოხ ხარ მოსავთა შენთათვის და მგალობელთა.

მღდელომან: მოხედენ, სიბრძნით. წარდგომა ჯმაჲ 4 - პატიოსან-არს წინაშე უფლისა სიკუდილი წმიდათა მისთა.

მუხლი: უგალობდეთ ღირსნი მისნი უფალსა.

მღდელომან: უფლისა მიმართ ვილოცოთ.

გუნდი: უფალო, შეგჳწყალებ.

მღდელომან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაველებთ, მამისა, და ძისა და წმიდისა სულისა, აწ და მარადის, და უკუნითი უკუნისამდე,

გუნდი: ამინ.

მღდელომან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელომან: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჳწყალენ (3-გ ზის).

მღდელომან: სიბრძნით აღემართენით და ისმინეთ წმიდა სახარება, მშჳდობაჲ ყოველთა.

გუნდი: და სულისაგა შენისა თანა.

მღდელომან: ლუკასაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელომან: მოხედენ.

ლუკასაგან წმიდისა სახარებისა საკითხავი

ჰრქუა უფალმან თჳსთა მოწაფეთა, ნეტარ-ხართ გლახაკნი სულითა, რამეთუ თქუენი არს სასუფეველი ღმრთისაჲ. ნეტარ-ხართ თქუენ, რომელთა გშიის აწ, რამეთუ განჰსძღეთ. ნეტარ-ხართ რომელნი ჰსტირთ აწ, რამეთუ იცინოდეთ. ნეტარ-იყუნეთ რაჟამს მოგიძულნენ თქუენ კაცთა და ოდეს გამოგასწნენ და გაყუედრებდენ და განწადონ სახელი თქუენი, ვითარცა ბოროტთაჲ მისათვის კაცისა. გიხაროდენ მას დღესა შინა და მხიარულ იყუნით, რამეთუ აჰა, ესერა სასყიდელი თქუენი მრავალ-არს ცათა შინა.

გუნდი: დიდებაჲ შენდა, უფალო, დიდებაჲ შენდა.

დიდებაჲ მამასა და ძესა და წმიდასა სულსა.

მეოხებითა ღირსისა მამისა ჩუენისა პიროს ბრეთელისაჲთა, მოწყალეო, აღწოცენ ცოდვათა ჩუენთა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისადათა, მოწყალეო, აღვოცე ცოდვათა ჩუენთა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა, აღვოცე უსჯულოებანი ჩემი და შემიწყალე მე, ღმერთო.

გერი: ჰბრწყინევი ვითარცა სანთელი მაღალსა ზედა სასანთლესა მონაზონებისასა, სჯულისა განმწმედელო მამაო პიროს, და სამებისა ნათლითა ჰნათობდი რაჲ ქუეყანასა ჩუენსა, მონაზონთა გულსმოდგინებასა აღაორძინებდი და სხუათა უმრავლესთა აღადგინებდი სურვილად მონაზონებისა, აწ ითხოვე ქრისტეს მიერ შეუძრველად დაცვად მართლალსარებითა დამტკიცებულისა ეკლესიისა, მოცემად ჯუარითა ძლევად ერსა ჩუენსა, სიმტკიცე მორწმუნეთა და სულთა ჩუენთა დიდი წყალობაჲ.

მღდელომან: აცხოვნე, ღმერთო, ერი შენი, და აკურთხე სამკვდრებელი შენი, მოხედენ სოფელსა შენსა წყალობითა და მოწყალებითა, აღამაღლე რქაჲ ქრისტეანეთა მართლმადიდებელთაჲ, და გარდამოავლინენ ჩუენ ზედა მდიდარნი წყალობანი შენნი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისადათა, ძლიერებითა პატიოსნისა და ცხოველსმყოფელისა ჯუარისადათა, ძლიერებითა ჯუარისა ვაზისადათა; მეოხებითა პატიოსანთა უსხეულოთა ზეცისა ძალთადათა, პატიოსნისა, დიდებულისა, წინაღსწარმეტყუე ლისა, წინამორბედისა და ნათლისმცემელისა იოვანესითა, წმიდისა წინაღსწარმეტყუელისა ილია თეზბიტელისა და მართლისა ენუქისითა, წმიდათა დიდებულთა, და ყოვლად-ქებულთა მოციქულთა თავთა, პეტრესა და პავლესითა, წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა და მატათასითა; წმიდისა დედისა ჩუენისა, მოციქულთა სწორისა ქალწულისა ნინოდსითა, და წმიდა

მოციქულთა სწორთა: მეფისა მირიანისა და დედოფლისა
 ნანადასითა; წმიდათა შორის მამათა ჩუენთა, და მსოფლიოთა
 დიდთა მოძღუართა, და მღდელთმთავართა, ბასილი დიდისა,
 გრიგოლ ღმრთისმეტყუელისა, და იოვანე ოქროპირისადათა,
 წმიდათა შორის მამისა ჩუენისა ნიკოლოზ მრონ-ლუკიის
 მთავარეპისკოპოსისა და საკურველთ-მოქმედისა და და სპირიდონ
 ტრიმიფუნტელისადათა; წმიდათა მამამთავართა ჩუენთა: პეტრე,
 სამუელ, სარმიან, მამაჲ, არსენ, მელქისედეკ, იოანე-ოქროპირ,
 ნიკოლოზ, ევდიმოზ, იოსებ, კირიონ, ამბროსისადათა; ღირსისა
 მამისა ჩუენისა იოვანე ზედაზნელისა და ათორმეტთა მისთა
 მოწაფეთა, მეორედ განმანათლებელთა საქართველოს ეკლესიისა და
 მარადის მფარველთა მისთა და წმიდისა მღდელმოწამისა ნეოფიტე
 ურბნელისადათა; ღმრთივ-განზრდნობილთა ნეტართა მამათა ჩუენთა:
 ილარიონ ქართველისა, სერაპიონ ზარზმელისა, გრიგოლ
 ხანძთელისა და საბა იშხნელისადათა; ღირსთა მამათა ჩუენთა
 ათონელთა: იოვანე და გაბრიელ ქართველთა, იოვანე თორნიკ-
 ყოფილისა და ეფთჳმე და გიორგი მთაწმინდელთადათა; წმიდისა
 დიდებულისა და ლუაწლისა-მძლისა მოწამისა, ძლევა-შემოსილისა
 გიორგისა და წმიდათა დიდთა ქალწულ-მოწამეთა ბარბარცსა და
 მარინცსითა; წმიდათა დიდებულთა და ლუაწლისა-მძლეთა
 მოწამეთა ჩუენთა: რაჟდენისა, ევსტათი მცხეთელისა, ჰაზო
 ტფილელისა, გობრონისა, ქრისტეფორე გურულისა, ნიკოლოზ
 დვალისა, კოზმანისა, არგვეთისა მთავართა დავით და
 კონსტანტინცსა და კონსტანტინე მთავრისადათა; წმიდისა მთავარ-
 მოწამისა ბიძინასა და წმიდათა დიდებულთა მოწამეთა: შალვა და
 ელიზბარ ქსნის ერისთავთადათა; წმიდისა მოწამისა შალვა
 ახალციხელისა და წმიდათა ათთა-ბევრთა მოწამეთა, ტფილისს
 ხუარაზმელთაგან მოწყუედილთადათა; წმიდათა მოწამეთა ექვსი
 ათასთა გარეჯელთა ბერთა და მრავალთა წმინდათა მამათა და
 დედათა, აჭარაში თურქთაგან წამებულთადათა; წმიდათა
 ლუაწლისამძლეთა მეფეთა და დედოფალთა: მირდატ, აშოტ,
 არჩილ, დემეტრე, ლუარსაბ, შუშანიკ და ქეთევანისადათა; წმიდათა

კეთილ-მორწმუნეთა და დიდთა მეფეთა ჩუენთა: ვახტანგ გორგასალისა, დავით აღმაშენებლისა; დემეტრე-დამიანწსა, თამარისა და სოლომონისა; წმიდისა ილია მართლისა, ექვთიმე ღმრთისკაცისა და ექვთიმე აღმსარებლისა; წმიდისა არქიმანდრიტისა, ღირსისა მამისა ჩუენისა გაბრიელისა, აღმსარებლისა და სალოსისა; წმიდათა და მართალთა მშობელთა ღმრთისა იოაკიმ და ანნადსითა (და წმიდისა სახელი, რომლისა არს ტამარი); ღირსისა და ღმერთშემოსილისა მამისა ჩუენისა პიროს ბრეთელისა; და ყოველთა წმიდათა შენტადთა გვედრებით შენ, მრავალმოწყალეო ღმერთო, შეისმინე ჩუენ ცოდვილთა ვედრებაჲ, და შეგჳწყალენ ჩუენ.

გუნდი: უფალო, შეგჳწყალენ (12-გ ზის).

მღდელომან: წყალობითა და მოწყალებითა და კაცთმოყუარებითა მხოლოდშობილისა ძისა შენისა, რომლისა თანა კურთხეულ ხარ, თანა ყოვლადწმიდით, სახიერით, და ცხოველსმყოფელით სულით შენითურთ, აწ და მარადის და უკუნითი უკუნისამდე.

გუნდი: ამინ.

გალობა 7, კურთხეულარსა

ძლისპირი: ყრმათა ბაბილონს საჯუმილსა მას შინა ცუარი ეცურია ზეგარდამოდ. ღმრთისა მიერ ღაღადებდეს და იტყოდეს: კურთხეულ-ხარ, უფალო მამათა ჩუენთაო, ღმერთო უკუნისამდე.

ღირსო მამაო პიროს, ევედრე ღმერთსა ჩუენთჳს.

მოგავლინა რაჲ ივერიას განსამტკიცებლად სარწმუნოებისა, ქრისტემან მოსცა მაღლი სიტყუასა შენსა, მას ევედრე, რადთა გჳჳსნნეს მონებისაგან ეშმაკთაჲსა და გარდახდომისაგან სჯულისა.

ღირსო მამაო პიროს, ევედრე ღმერთსა ჩუენთჳს.

ქადაგებდი რად ყოვლად-უბიწოსა სარწმუნოებასა, ამხილებდი შეცთომილთა, ნუგეშინის-სცემდი მწუხარეთა, სნეულთა კურნებდი და სულთა ბოროტთა აოტებდი შეპყრობილთაგან.

დიდებამ მამასა და ძესა და წმიდასა სულსა.

ძლიერი შური გაქუნდა შენ, პატიოსანო მამაო, ვითარცა ელიას, რამეთუ აღეგზენ ცეცხლითა საღმრთოდთა და შესწუნენ ენანი მწვალებელთა და წარმართთანი ქრისტეს შეწევნითა.

აწ და მარადის და უკუნითი უკუნისამდე, ამინ.

გიხაროდენ შენ, ასულო ადამისო, გიხაროდენ, სძალო ღმრთისაო, გიხაროდენ, მშობელო მაცხოვრისაო, რომელმან დაიტყე შემოქმედი შენი, მეოხ-გვეყავ ჩუენ მარადის.

გალობა 8, აკურთხევდითსა

ძლისპირი: შეუწუელმან მაყუალმან სინას აუწყა ღმერთი მოსეს, ჯმითა წულილსა და ენა-მძიმესა, და შურმან საღმრთომან ყრმანი იკსნნა საჯუმილისაგან და გალობით ღაღადებდეს: ყოველნი საქმენი აკურთხევდით დღეს ღმერთსა და უფალსა, უგალობდით და ამაღლებდით მას უკუნისამდე.

ღირსო მამაო პიროს, ევედრე ღმერთსა ჩუენტვს.

გულსმოდგინედ ილოცვიდი რად ყოვლისა სოფლისათვს, უფროდს ქართველთათვს აღავლენდი ვედრებასა, რადთა წინააღმდგომთა მათ ჭემმარიტებისათა სძლევდეს მართლითა სარწმუნოებითა და მარადის მოიხვეჭდეს განმარჯვებასა მტერთა და მაჭირვებელთა ზედა.

ღირსო მამაო პიროს, ევედრე ღმერთსა ჩუენტვს.

განამრავლებდი რად სწავლათა სულთა მარგებელთა, კურნებათა იქმოდი შეწევნითა ღმრთისადათა და განამტკიცებდი მორწმუნეობასა ერისასა. აწ გაქუს შენ შუა-მდგომელობად ღმრთისა მიმართ, შეგვეწიე, რადთა გვკსნეს რწმენისაგან არა-ცხოველისა და ნელ-ტფილისა.

დიდებად მამასა და ძესა და წმიდასა სულსა.

ენამან შენმან ღმრთის-მეტყუელმან ქუეყანად ესე ჩუენი მოძღურებითა მდინარის სახედ აღავსნა და მორწყნა რად გულნი უმეცართანი, მოიყვანნა ღმრთის მეცნიერებად და სცხონდებოდენ სულიერად. აწცა განანათლენ ცოდვითა დაბნელებული სული ჩემი, მამაო პიროს, და გული ჩემი აღავსენ სიყუარულითა საღმრთოთა.

აწ და მარადის და უკუნითი უკუნისამდე, ამინ.

სჯულისა კიდობანმან მოგასწავა შენ, არათუ ფიცარნი გაქუნდეს შენ, არამედ ქრისტე ღმერთი სჯულისმდებელი, ღმრთისმშობელო, რომელი იგი უსჯულომან ერმან ჯუარს აცუა კსნად ჩუენდა, რომელნი ვიტყვით: ღმერთსა და უფალსა უგალობდით და ამაღლებდით მას უკუნისამდე.

გალობა 9, ადიდებადითსა

ძლისპირი: მტვრთველმან გამოუცდელმან უხრწნელებისამან, სიტყუასა დამბადებელსა ავასხა ბუნებათა. მოვედ, უბიწოო ქალწულო, ღმრთისმშობელო, შენგან შობილსა თანა მასწავე მორწმუნეთა, რადთა ღირს ვიქმნეთ ჩუენ დიდებად შენდა.

ღირსო მამაო პიროს, ევედრე ღმერთსა ჩუენთვს.

გემცნო რად დღწ საწუთოთგან განსლვისა შენისაჲ, მკნეო მოსაგრეო, შეჰვედრე სამწყსოდ თვსი და მერმე სული უფალსა, და

შეერთე რად სიმრავლესა მას წმიდათასა, მრავალმოლუაწს გუამი
შენი დაკრძალეს წმიდასა მას ტაძარსა შენსა.

ღირსო მამაო პიროს, ევედრე ღმერთსა ჩუენთვს.

იქადის აწ ერი ჩუენი და განსცხრების სავანს ბრეთისაჲ, რამეთუ
მივისწრაფვით წიაღსა მისსა, რომელსა შინა მდებარს წმიდათა
ნაწილთა შენთა პატიოსანი სამარხოდ, ვითარცა წყაროდ
დაუწყვედელი, მდიდრად აღმოაცენებს მადლთა სურნელებასა და
კურნებასა მიჰმადლებს მკურვალედ შევრდომილთა.

დიდებაჲ მამასა და ძესა და წმიდასა სულსა.

ქრისტემან მოგცა მადლი სასწაულთაცა საქმედ და ესრეთ პატივ-გცა
საწუთროსა ამას, ხოლო შემდგომად სიკუდილისა უფროდს იდიდე
წინაშე მისსა, და გაქუს რად მადლი შეწევნისაჲ, მეოხ გვეყავ, რადთა
მოგუანიჭოს შიში ღმრთისაჲ და ახოვანებაჲ სულისაჲ.

აწ და მარადის და უკუნითი უკუნისამდე, ამინ.

ძუელი სჯული მოგასწავებს, ქალწულო წმიდაო, და ახალი
აღგიარებს ღმრთისმშობლად, უსძლოო, და ჩუენ მორწმუნენი
სარწმუნოებით ვიტყვთ: მშობელო სიტყვსაო, ვედრებად ნუ
დასცხრები ღმრთისა მიმართ მოსავთა შენთათვს.

ღირს არს ჭეშმარიტად რადთა გადიდებდეთ შენ, ღმრთისმშობელო,
რომელი მარადის სანატრელ იქმენ, ყოვლად უბიწოდ და დედად
ღმრთისა ჩუენისა, უპატიოსნესსა ქერობინთასა და აღმატებით
უზესთაესსა სერაფიმთასა, განუხრწნელად მშობელსა სიტყვსა
ღმრთისასა, მხოლოსა ღმრთისმშობელსა გალობით გადიდებთ.

მღდელი აკმევს; მკითხველი ან ერისკაცი კითხულობს

განმამლიერებელმან შენმან ქრისტემან, ღირსო, გამოაცხადნა
სიმკნენი ღუაწლთა მათ შენთანი, და განჰფინნა რად კიდეთა

ქუეყანისა ჩუენისათა, მოვიდოდეს მორწმუნენი, და შენ მიერ განსწავლულნი აღეშენებოდენ სულითა, ეგრეთვე აწ წარმწყმედელთა გზათაგან განგვარინე, მკნეო მოლუაწეო, და დაგვიცევ ჩუენ უბიწოდ წვალებისაგან, რადთა წრფელითა გულითა ვფუცოთ ყოველთა: `არა გეცრუვნეთ შენ, სიწმიდით მშობელო ჩუენო კათოლიკე ეკლესიაო, და არცა განგცეთ შენ, სიქადულო ჩუენო, მართლმადიდებლობაო~ და ღირს ვიქმნეთ ქებად და გალობად ღმრთისა.

ჰბაძე რად მოძღუარსა შენსა, ღირსო მამაო პიროს, ღუაწლითა ფრიადითა მიიწიე საზომსა დიდსა და დიდებულად შეამკევ წმიდად ეკლესიად ჩუენი სასწაულთა და ნიშთა საკვრველთა აღსრულებითა და ცხორებისა ბრწყინვალეობითა, ხოლო მხილველნი და მსმენელნი წმიდისა ცხორებისა შენისანი ადიდებდენ ღმერთსა, წმიდათა შორის საკვრველსა, მას ევედრე აწ, წარმოავლინოს ჩუენდა რჩეულნი და ბრძენნი განმგებელნი და ღირსნი მამანი, მასწავლელნი საღმრთოდსა სიტყვსა, რადთა ყოველთა აღგვაორძინებდენ ყოვლითავე სულიერითა და ჯორციელითა კეთილითა და უფალსა ვადიდებდეთ სულითა და ჭეშმარიტებითა.

ვითარცა მზღ ბრწყინვალეზ, ჰნათობდი ქართველთა ეკლესიისა სამყაროსა, იყავ რად მოძღუარი ჭეშმარიტი ყოველთა შენდამი მოლტოლვილთა და ღმრთისმშობლისა მიმართ დიდად მვედრებელი ერისათვს ჩუენისა და ფრიად მოყუარული წილხვედრისა ერისა მისისა - ივერიისა და კეთილად მოლუაწზ მლოცველი ივერიელთათვს და წარმართებისათვს მათისა, აწ გევედრებით, იმეოხე წინაშე ღმრთისა, რადთა ერი ჩუენი იკსნნეს საეშმაკოთა ბადეთაგან და ანტიქრისტზს ზაკუათაგან და საცთურისა.

მადლითა საღმრთოდთა განანათლენ რად მხარზ ესე ქართლისად, შემდგომად სიკუდილისა შენისა მაუწყებელ-არს მოლუაწებათა მონასტერი ბრეთისად და ჯმა მალლად ჰქადაგებს ლოცვათათვს

შენთა მკურვალეთა, ხოლო ჩუენ გული გვთქმს მისლვად წმიდასა მას სავანესა, აღმოაცენებს რაჲ მადლსა ჭეშმარიტსა და აღგვადგინებს დიდებად ღმრთისა, რომლისა წინაშე ღმრთივბრწყინვალითა გვრგვნითა დიდებულ ხარ, სანატრელო, და გვთხოვე, რადთა მოანიჭოს ერსა ჩუენსა ძლევად მტერთა ზედა, ქრისტეანეთა უვნებლობად და დიდი წყალობად მოსავთა შენთა.

არა მხოლოდ მკვდრ ხარ ბრეთისა, ჰ, ყოვლადღირსო მამაო პიროს, არამედ სრულიად მიწა-წყლისა ჩუენისა, და მლოცველი და მსწრაფლშემწე, და ყოვლად ძლიერი მფარველი მრავალჭირნახულისა ამის ერისა, ვიდრე ჟამადმდე შეჭირვებულისა, ამისთვის მეოხ გვეყავ წინაშე ღმრთისა, რადთა შენმიერთა მეოხებითა და შეწევნითა მზაკუვარებად მტერთა ჩუენთად განჯადოს და შეჰკრიბოს განზნეული ერი ქართველთად.

ჰ, ახალო მოციქულო და მაჩვენებელო გზისა მის კეთილად მსახურებისაო, ქართლისა განმნათლებელო მამაო პიროს, ტკბილითა მით მეოხებითა და მამობრივითა კადნიერებითა შეგვაწყნარე მფარველსა ერისა ჩუენისასა, შენ მიერ შეყუარებულსა ქალწულსა ღმრთისმშობელსა, რადთა თქმულნი მისნი აღასრულოს, ვითარცა მოწყალემან და ნუ განგვაშორებს მეოხებასა მისსა წილხვედრთა თვსთა, არამედ შეგვეწიოს ყოველსავე ჭირსა და საცთურსა შინა და აღგვაგოს მღვძარებითა საღმრთოდთა, რადთა ყოველნი ვიქმოდეთ სამართალსა და წმიდა არსითა და ალილუიათი უგალობდეთ სამებასა განუყოფელსა და შეურყვნელსა:

წმიდაო ღმერთო, წმიდაო ძლიერო, წმიდაო უკუდაო, შეგვწყალენ ჩუენ (3-გზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალებ ჩუენ; უფალო, გვკსენ და გვლხინე ცოდვათა ჩუენტაგან; მეუფეო, შეგვზდვენ უსჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგვწყალებ. (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენტა და ნუ შემიყუანებ ჩუენ განსაცდელსა, არამედ მიკსნენ ჩუენ ბოროტისაგან.

მღღელმან: რამეთუ შენი არს სუფევად...

მიწყალებ ჩუენ, უფალო, შემიწყალებ ჩუენ, რამეთუ ყოვლისავე სიტყჳს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალებ ჩუენ, უფალო, შემიწყალებ ჩუენ.

დიდებაჲ მამასა და ძესა და წმიდასა სულსა

უფალო, შემიწყალებ ჩუენ, რამეთუ შენ გესავთ, ნუ განმირისხდები ჩვენ ფრიად, და ნუცა მოიკსენებ უსჯულოებათა ჩუენტა, არამედ მოიხილე ჩუენზედა წყალობითა, ვითარცა სახიერ ხარ, და გვკსენ ჩუენ სამართლად რისხვსაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ჳელთა შენთანი ვართ და სახელი შენი წოდებულ არს ჩუენ ზედა და შემიწყალებ ჩუენ.

აწ და მარადის და უკუნითი უკუნისამდე, ამინ.

მოწყალებისა კარი განგვლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხორებად ნათესავისა ქრისტეანეთადასა.

მღდელომან: შეგვწყალონ ჩუენ, ღმერთო, დიდითა წყალობითა შენითა, გვედრებით, კაცთმოყუარე, ისმინე და შეგვწყალონ.

გუნდი: უფალო, შეგვწყალონ (3-გ ზის).

მღდელომან: მერმეცა გვედრებით, წყალობისა, სიცოცხლისა, მშჯღობისა, სიმრთელისა, დღეგრძელობისა, ცხორებისა, განათლებისა, მოტევეებისა, კეთილად წარმართებისა და მყუდროებისა მონათა (ანუ მკვევალთა) ღმრთისადათა და ყოველთა შჯლთა ჩუენისა ეკლესიისადათა, რადთა დაიცვას უფალომან ღმერთმან ჩუენმან სამეუფოდ ქალაქი ესე ჩუენი და წმიდად ესე ეკლესიად და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახჯლისა, უცხო-თესლთა ზედა მოსლჯს აგან, ბრძოლისა და სიკუდიდშემოსილისა წყლოულებისა, რადთა მოწყალე გუექმნეს ჩუენ ღმერთი კეთილად დგომისათჯს სახიერებითა და კაცთმოყუარებითა თჯსითა, და გარეწარაქციოს რისხუად, მარად დღე ჩუენ ზედა მომავალი, და გჯკსნეს ჩუენ სამართლად ჩუენ ზედა მოწევნულისა რისხჯსაგან, და შეგვწყალონეს ჩუენ.

გუნდი: უფალო, შეგვწყალონ (40-გ ზის).

მღდელომან: შეისმინე ჩუენი, ღმერთო, მაცხოვარო ჩუენო, სასოლო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელო, და მოწყალე ექმენ შეცოდებათა ჩუენთა, და შეგვწყალონ ჩუენ, რამეთუ მოწყალე და კაცთმოყვარე ღმერთი ხარ

და შენდა დიდებასა აღვაკლებთ, მამისა, და ძისა, და სულისა წმიდისა, აწ და მარადის, და უკუნითი უკუნისამდე.

გუნდი: ამინ.

მღდელომან: მერმე და მერმე მუკლთ-მოდრეკით. უფლისა მიმართ ვილოცოთ.

გუნდი: უფალო, შეგჳწყალენ.

სავედრებელი ლოცვა

ჰ, სიბრძნისა საუნჯეო და ეკლესიისა ბრწყინვალეო მნათობო, ღირსო მამაო პიროს! ბერთა სამკაულო; ბრეთისა სიქადულო; მღდელთა გზრგზნო და ანგელოზთა მოდასეო; ქართველთა ზესთამბრძოლო და ჭირთა შინა ურცხვენელო ჳელის აღმპყრობელო, ღმრთისა მიმართ მეოხო ყოველთა პატივისმცემელთა შენთაო და ყოველთა უპოვართა, განწირულთა და სარწმუნოებითა შენდამი შევრდომილთა შესავედრებელო, ზღუდეო და საფარველო.

ჰ, ყოვლადსანატრელო ღმრთივსულიერო მამაო პიროს ბრეთელო! რომელმან ქმენ სასწაულნი და ნიშნი მრავალნი, და საწუთოთა შუებათაგან სიმაღლედ აღიყუანენ ერნი ქართლისანი, აწ კეთილითა სიყუარულითა შეერთებულ ხარ მოძლუარსა შენსა იოანე ასურსა, და ძმათა მათ სულიერთა, და ერთობითა იხარებთ წინაშე ღმრთისა, მას ევედრე აწ, რადთა მოგვანიჭოს სიბრძნე, სიმკნე და მძლეველობად დაცვად მამულისა და სარწმუნოებისა ჩუენისა, და გვკსნეს ეშმაკის სიცბილისაგან და მძლავრებისა, რადთა არცალა განმცემელ ვექმნნეთ სიქადულსა ჩუენსა მართლმადიდებლობასა, და ჳმითა მაღლითა ვქადაგებდეთ ქრისტეს ჳემმარიტსა სარწმუნოებასა. ყოვლადძლიერთა მადლითა ლოცვისა შენისადთა დაიფარე და განაძლიერე უწმიდესი და უნეტარესი, სრულიად საქართველოდს კათალიკოს-პატრიარქი, მცხეთა-თბილისის

მთავარეპისკოპოსი, და ბიჭვინთისა და ცხუმ-აფხაზეთის მიტროპოლიტი მამად ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი და ყოველნი სამღდელონი და სამონოზნო წესნი, ზიარნი მართლმადიდებელისა ეკლესიისანი და ყოველნი მართლმორწმუნენნი ქრისტეანენი.

ჟ, მამაო მამათაო, თაო მონაზონთაო და წინამძღუარო მართლმადიდებელთაო, ყოვლად ნეტარო პიროს! აწ განძლიერებულ არს ზრახვად იგი უსჯულოებისა და წილხვედრი ესე ერი ღმრთისმშობლისა და ცემულ არს ცოდვითა და სიბოროტითა და ჩუენცა, უღებებისა მედგრობათაგან ძლეულნი, ვსძრწით მოსალოდებელისა მისთჳს დღისა დიდებით მეორედ მოსლვისა ქრისტჳსისა, გარნა შენ, ღირსო, ვითარ ძუელ ოდესმე დაშუერ ერისა ჩუენისათჳს სულიერად წინაშე მისსა, წარმართობისაგან სრულიად ჳსნად და განრინებად ყოვლისაგან წვალებისა, ეგრეთვე აწ გვაშორე საღმრთოდასა მსჯავრისა საშინელებად უსჯულოებისა ჩუენისათჳს, და მოწყალებითა შენითა გვითხოე ღმრთისა მიერ ცოდვათა ჩვენთა ურიცხვთა მოტევებად, მართლმადიდებლობით განათლებად, კეთილთა საქმეთა მიერ განსუენებად, სასუფეველსა ცათასა განბრწყინვებად, ანგელოზთა თანა გალობად, წმიდათა თანა სუფევად, და შენ თანა დიდებად და მადლობად, რამეთუ მისა ჳშუენის ყოველი დიდებად, პატივი და თაყუანისცემად, თანა მამით და სულით წმიდითურთ, აწ და მარადის და უკუენითი უკუენისამდე, ამინ.

მღდელმან: სიბრძნით!

ყოვლადწმიდაო ღმრთისმშობელო, გუაცხოვნენ ჩუენ.

გუნდი: *უპატიოსნესსა ქერუბიმთასა და აღმატებით უზესთაესსა სერაბინთასა, განუხრწნელად მშობელსა სიტყჳსა ღმრთისასა, მხოლოსა ღმრთისმშობელსა გალობით გადიდებდეთ.*

მღდელობან: დიდებაჲ შენდა, ღმერთო ჩუენო, დიდებაჲ შენდა.

გუნდი: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგჳწყალენ. (3-გზის). გუაკურთხენ.

მღდელობან: ჩამოილოცოს.

გუნდი: ამინ.

ერისკაცმან: დიდებაჲ მამასა და ძესა და წმიდასა სულსა, აწ და მარადის, და უკუნითი უკუნისამდე, ამინ.

უფალო, შეგჳწყალენ (3-გზის),

უფალო, იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა, ღირსისა და ღმერთშემოსილისა მამისა ჩუენისა პიროს ბრეთელისაჲთა და ყოველთა წმიდათაჲთა, შეგჳწყალენ ჩუენ, ამინ.

ხატისა მისისა მთხვევასა ზედა ვგალობთ ესრეთ:

ყოველივე ჳორციელი ნებაჲ დაუტევე და შეუდეგ რაჲ ღმრთისა ნებასა, სანატრელო მამაო პიროს, ზეცით მოიღე მადლი სათნოებისაჲ, და ვითარცა ანგელოზი კაცთა შორის ჳბრწყინევიდი საღმრთოჲთა მოქალაქეობითა, და სათნო-ეყავ რაჲ ზეცათა მეუფესა და ღმერთსა, გაქუს კადნიერებაჲ მისა მიმართ, რაჲთა გჳჳსნეს ჩუენ ყოველნი განსაცდელთაგან სულიერთა და ჳორციელთა, და ღირს გჳყოს სასუფეველსა ცათასა.

დედოფალო მარიამ, მოგუხედენ სარწმუნოებით თაყუანის-მცემელთა და სურჳლით ამბორის-მყოფელთა, პატიოსანისა ხატისა წმიდისა პიროსისასა, ხოლო მადლი მისი და წყალობაჲ შენი თანამავალ მეყავნ ჩუენ ყოველთა დღეთა ცხორებისა ჩუენისათა.

ავტორ-შემდგენელი: თინათინ მჳედლიშვილი